



**Juris Canonici Theoria Et Praxis, Ad Forum Tam
Sacramentale quàm contentiosum, tum Ecclesiasticum,
tum Seculare**

Cabassut, Jean

Lugduni, 1698

IV. Quænam personæ contrahere prohibeantur, & de filiisfamilias,
eorumque peculio: de Senatusconsulto Macedoniano: de mulieribus, &
Senatusconsulto Vellejano.

[urn:nbn:de:hbz:466:1-62355](#)

quoad supremas voluntates, ob rationis paritatem. Scorsim vero utrius
parti hujus sententiae suffragantur qui hoc admittunt in solis contrac-
tibus, & qui in solis ultimis voluntatibus, quorum plerosque superius alle-
gavi.



C A P U T I V.

*Quanam persona contrahere prohibeantur, & de
filiis familias, eorumque peculio: de Senatus-
consulto Macedoniano: de mulieribus & Sena-
tus consulo Vellejano.*

I. **N**ONIAM contractus est actus humanus ac liber, requirit necessarium liberum contrahentis consensum, ac per consequentem rationis usum, & praeterea bonorum, de quibus agitur, liberam administrationem. Quia de causa invalidè contraherent furiosi ac amentes (nisi dum habent dilucida intervalla judicii,) infantes quoque & prodigi, quibus prohibita fuit à Jure suorum bonorum administratio, nisi curatoris consensus interveniat, l. *Certi conditio*, §. 5. & 6. D. si certum petatur: & l. *Is cui bonis*, D. de verbis obligat. Insuper pupilli, nisi cum licentia tutoris; & minores annis vintiquinque, nisi cum curatoris consensu, l. *Si curatorem habens*, C. de integrum restitut. Valent quidem initi ab his contractus, sed rescissioni subjacent, ex quo impetrata fuerit pro eis in integrum restitutio, si ei de curatore provisum non fuerat: sed si curatorem habentes sine illius interventu contraxerint, declarat eadem lex invalidè contrahi, nec opus est ullatenus in integrum restituzione. Simile quid decernit lex *In causa 2.* D. de in integrum restitut. Ille tamen qui cum pupillo pubertati proximo & rationis compote, aut qui cum minore bona fide contraxit, non tenetur ei restituere ante Judicis sententiam, eo quod pupillus, aut minor naturalem obligationem contraxerit, ut declarat lex *Si pupillus*, D. ad legem Falcid. & lex i. D. de novat. Ratio est, quia naturalis obligatio nascitur ex consensu, l. *Stichum*, §. *Naturalis*, D. de solut. At pupillus non caret consensu, Institut. de inutil. stipulat. §. *Pupillum*. Prædicta quidem sic se habent attento jure communi: sed in Gallia Regio restitutio diplomate opus est minori, qui sine curatoris interventu contraxerit, ut ejus contractus rescindatur.

II. Filii

II. Filiifamilias in pubertate constituti possunt contrahere de suis castrenis & quasi castrenis bonis: horum namque domini atque arbitri sunt & secundum proprietatem & secundum usumfructum. Secus de festitiis & adventitiis, nisi ex consensu patris, ne jura quæ in hæc bona pater habet deteriora fiant.

III. Per magni refert filiorumfamilias jura explorari, ut sciat quid sibi retinere, quid parentibus, quid fratribus cohæredibus debent, vel non debent. Horum est peculum quadruplex, castrense, quasi castrense, profectum, & adventitium. Ad castrense pertinent militaria stipendia, de hostiis bus sumptæ manubiae ac spolia, Ducum, aut commilitum dona, militaris apparatus ac supellex, arma, equi, vestes, pecunia ad militiam profecturo data sive ab ipsis parentibus, sive ex aliorum liberalitate: illa item quæ Paltatini in Aula sive Principis largitione, seu propriâ industria acquirunt. Quasi castrense illud est quod filiifamilias ex publico munere, aut ex honorifica professione Judicis, alteriusve Magistratus, Doctoris, Advocati, Medici, Scribæ, Notarii acquirere solent: illa præterea quæ Clerici titulo clericali lucrantur. Quin etiam, ut decidit authent. *Presbyteros*, C. de Episc. & Cler. res quolibet modo in Clericatu obvenientes, in potestate sua Clerici habeni, ad similitudinem castrensis peculii. Adventitium peculum versatur in bonis quæ nec à patre, nec patris intuitu, sed vel ex propria industria, aut labore, aut ex aliorum liberalitate, aut ex matris, vel avi materni rebus filius adipiscitur. Denique profectum peculum ea comprehendit quæ ex patris, aut avi paterni facultatibus, aut aliunde, sed horum intuitu & causa filiofamilias obvenerunt.

IV. In castrensi, vel quasi castrensi peculio nihil juris pater habet, sed integrum dominium & administratio spectat ad filium, toto tit. D. & C. de castrensi pecul. Adventitorum bonorum proprietas ad filium, sed ususfructus ad patrem pertinet, l. *Cum oportet*, C. de bonis quæ liber. Profectio verò bona ad patrem solum & secundum proprietatem & secundum usumfructum spectant. Instit. per quas person. nob. acquir. §. *Sancitum*. Itaque filiifamilias neque profectia, neque adventitia distrahere, seu alienare potest, l. fin. §. *Filiis*, C. de bonis quæ liber. Secus dicendum de castrenis, vel quasi castrenis, ut dictum est.

V. Emancipati verò liberi liberum habent disponendi arbitrium, tam inter vivos, quam mortis causâ de bonis adventitiis, etiam sine consensu patris, eo quod emancipatione acquiratur eis integrum bonorum adventitorum dominium cum medietate ususfructus, altera medietate quoad solum ususfructum apud patrem remanente, ex Justiniani constitutione, l. *Cum oportet*, §. *Cum autem*, C. de bonis quæ liber, deb. & l. *Si viva*, C. de bonis matern. De bonis verò castrenis, vel quasi castrenis filius potest liberè disponere ac testari, quanvis de patris potestate non exivit, l. *Nemo*, C. qui testament. Clericus quoque adhuc sub patris potestate

K K k k 2 state

state constitutus habet similiter liberam disponendi facultatem, non tandem de bonis quae pro Clerico acquisivit, verum etiam de adventitiis, juxta & authent. *Presbyteros*, C. de Episc. & Cler. adventitiis, inquam, quae post Clericatum consequutus est. Episcopus autem patria potestate solvitur, authentic. *Sed hodie*, C. de Episc. & Cler. Quod jus vigere in universa Gallia testificatur Papo lib. 7. placitorum, tit. 1. num. 24.

V I. Gravis, & quotidiana praxis questio est, utrum ea quae filios familias in paterna domo lucratur, pertineant ad ipsum, an ad patrem. Prima resolutio haec est. *Lucra ex operibus artificialibus provenientia numerati inter adventitia, eaque proinde recuperari posse a filio post obitum patris.* Itaque filius operam suam patri locare potest, ab eoque mercede petere, deductis tamen expensis quas pater in ipso alendo fecit. *Pater namque altere filium non tenetur habentem propria, idest castrensa, quam castrensa, vel adventitia bona, ut colligitur ex l. Si quis a liberis, D. de liber, agnosc.* atque in eo Doctores esse unanimes afferunt. *Laiman*, lib. 3. sect. 5. tract. 4. cap. 8. num. 5. Dicit enim lex penult. D. de obseq. parent. prast. *Pietatem liberi parentibus, non operas debent.* Sande si filius opifici verb. gr. operam suam patri praestet, nullà sive expressè, sive tacite petiti mercede, præsumitur illam velle patri remittere ex pietate, vel gratitudine, ut si mortuo patre repeteret illam a fratribus velit, non sit audienda. Hæc tamen præsumptio cessat in foro conscientiae, si filius certus est de sua contraria voluntate, quam patri ex metu, vel reverentia non sit ausus significare.

V II. Secunda resolutio, si filiusfamilias ex bonis paternis nomine ipso & voluntate patris lucretur, exempli causâ filius caponis, fabri, artificis, non habet jus secundum aliquos. *Authores exigendi mercem auctori lucri partem, quasi ista pertineant ad profectitum peculium: at tamen Bartolus in l. 1. §. Nec castrensa, D. de collat. bon. & Baldus, & Silicetus, & alii plerique Jurisconsulti, quos citat & sequitur Decius in l. Illud, C. de collat. num. 10. & Angelus verb. *Peculium*, num. 11. Navara cap. 17. n. 144. Lopez p. 2. cap. 21. Lessius lib. 2. cap. 12. num. 81. censent lucri ejusmodi partem filio deberi, si ejus industria & labor ad bona paterna accessit: & afferunt filio deberi ad minus tantum mercedis quantum extraneo deberetur. His addunt quod si præ meru reverentiali filius hoc jus petere non ausit, aut sciat, si repeteret se pasturum repulsam, nec si filius istud computatum iri, filium istum sibi clam assumere in compensationem posse, sive vivente, sive mortuo patre. Est enim hoc distinctum peculii genus mixtum ex profectitio circa paterna bona, & adventitio ratione proprii laboris & industria, cuius idcirco premium tanquam adventitium bonum filio concedi debet, ne lucitus causa ei detur videnti proprio labore quaesitum ab aliis possideri. Hoc tradit Franciscus Stephanus à Sancto Joanne Praes Aqueensis decif. 21. pag. 83. Juxta §. *Sicut*, Institut.*

per quas personas : & leg. *Non oportet*, C. de bonis quæ liber. Deducit tamen hinc debet patri debitus ususfructus. Laiman quidem loco cit. num. 6. contrarium opinatur, magisque in id propendet, ut totum acquiratur patri. Oppositam nihilominus Doctorum opinionem judicat probabilem, etiamque dicit Confessario ita posse inservire, ut filiumfamilias in his terminis non facilè ad restituendum compellat, nisi ultra estimationem sui laboris ac industria accepere. Ac Bonacina de restitut. disp. 2. quæst. 10. punct. 1. num. 8. sequitur illam Bartoli, Deeci, Angeli, Navarræ, & Lessii opinionem, sicut etiam Fillius tract. 32. cap. 10. quæst. 5. num. 162. cum hac præcautione necessaria, ut filius ille patris negotia gerens deducat in primis ea quæ pater expendit in ipso alendo ; cum, ut alias dixi, non teneatur pater filium alere qui aliunde possit sibi ad vietum necessaria comparare. Deinde ut filius usumfructum hujus lucri non sibi vindicet ante sui emancipationem, aut patris mortem, cum certum sit bonorum adventitiorum usumfructum ad patrem pertinere, l. *Cum oportet*, C. de bonis quæ liberis. Et sanè deductis alimentis & usufructu vivente patre, filius non debet esse deterioris conditionis quam extraneus cui ejusmodi merces deberetur ; neque tenetur jure naturæ pro patre non egente laborare.

VIII. Quanvis filiusfamilias sese contractu obligare possit perinde ac paterfamilias, l. *Filiusfamilias* 39. D. de obligat. & action. nullam tamen in Jure Civili obligationem contrahit ex mutuo accepta pecunia, si eam accepit dum esset sub patria potestate ; secus autem si erat jam emancipatus, quia Senatusconsulato Macedoniano repellitur creditoris intentio, l. 1. in princ. D. ad Senatuscons. Maced. & Inst. quod cum eo qui in alien. potest. §. *Illud propriè* : ubi hoc extenditur etiam postquam fuerit emancipatus filius, cui dum existeret sub patria potestate creditor mutuo dederat. Insuper valet exceptio ista Macedoniani, licet filiusfamilias mutuo accipiens renunciasset expressè Macedoniano : cum enim hoc Senatusconsulorum fuerit introductum non in favorem filii, sed in odium creditoris, renunciarior illa per filiusfamilias irrita est. Molinæus ad tit. C. de Senatuscons. Macedon. Bacquetus tract. de juribus iustit. cap. 21. n. 127. Despeilseus p. 1. de mutuo, sect. 1. num. 6. Exceptio Macedoniani transit etiam ad hæredes, sive suos, sive legitimos, sive extraneos, l. *Si filius* 6. §. 1.C. ad Senatusc. Maced. & Instit. quod cum eo qui in alien. potest. §. *Illud propriè* : & l. Item si 7. §. *Quanquam* 10. D. ad Senatuscons. Maced. Juvatur quoque Macedoniano pater filii cui mutuum fuit, d. l. Item si, §. *Quanquam*, & l. Sed si paterfamilias 9. §. *Non solum*, D. eod. & d. §. *Illud propriè*, Inst. quod cum eo qui in alien. potest. Juvatur quoque Macedoniano is qui pro filiofamilias fidejussit, l. Item si 7. in princ. verl. *Sed Julianus*, & l. Sed si paterfamilias 9. §. *Non solum*, D. de Senatuscons. Maced. & l. *Exceptiones que*, §. ult. D. de exception. Inutilis quippe foret filiofamilias exceptio Macedoniani, si idem posset actione mandati conveniri à fidejusfore qui pro

KKk 3

co

eo conventus solverit, §. ult. Instit. de replicationibus. Cessat tamen exceptio Macedoniani in patre, cuius mandato creditor filio ejus mutuaverit, d. l. Sed si paterfamilias, §. Non solum, D. de Senatusconf. Maced. & l. Zendorus, & l. Si permittente, Cod. cod. Est enim Macedonianum non solum in odium creditorum, sed præsertim in favorem parentum introducum, §. Illud proprie, Instit. quod cum eo qui in alien. potest. Ideoque possunt parentes huic renunciare.

I X. Sed si illi qui poterant juvari Macedoniano sponte solverint, sive filiusfamilias, sive pater, sive haeres, sive fidejussor, non eis licebit solum reperire: id enim multa jura exprimunt, l. Si non sortem, §. Filiusfamilias, & l. Qui exceptionem, in princ. D. de conditione. indeb. & l. Sed si parvafamilias, §. pen. & ult. D. de Senatusconf. Maced. & l. Quia 10. D. cod. Ratio ejus rei est, quia obligatio naturalis prævalet post factam solutionem, ne condicatur ut indebitum quod naturæ jure debebatur. Curator tamen filiusfamilias potest solus condicere, seu reperire mutuum à se, vel à minore solum, quod ei creditum fuerat dum esset sub patria potestate.

X. Macedonianum non admittitur si mutuatum fuerit ad mercaturam, sciente & consiente patre, exercenti filiofamilias, quoniā patris voluntate contractum videtur, l. Item si 7. §. Interdum, D. ad Senatus, Maced. ut docent Ranchinius p. 3. conclus. 135. Despeilleus p. 1. de mutuo, sect. 1. n. 7. Nec si quis filiofamilias, præsertim longè agenti à patre, aliquid in necessitate constituto mutuatus fuerit, quod ipse pater teneretur ei supeditare: hoc enim aperta & naturalis ratio fraudet. Atque ita in Curia Regni hujus saepe judicatum fuit, ut refert ibidem Despeilleus.

X I. Exceptio Macedoniani admittitur in solo mutuo pecuniariorum, non verò in aliarum rerum mutuis, vini, olei, frumenti, pannorum. Verum si hujusmodi merces fuerint venditæ, aut quovis titulo traditæ filiofamilias in fraudem legis, ut filiusfamilias dilrahendo illas pecuniam sibi compararet, tunc locus erit Macedoniana ad repellendam fraudulentem creditoris petitionem, l. Si filiusfamilias crediderit, in princ. & l. Si quis 3. §. Is autem, & l. Item si 7. §. Mutui dationem, D. ad Senatusconf. Maced. Atque ita judicatum Lutetiae refert Papo lib. 12. placitorum, tit. 4.

X II. Mulieres verat Vellejanum Senatusconsultum pro aliis fidejuberae intercedere, cùm antea ab Augusti temporibus hæc intercessio non eis prohiberetur, nisi pro solis maritis, ne maritalis affectus, vel metus eiusdem fraudi esset, l. 2. D. ad Senatusconf. Vellejan. Cæterum cessat Vellejanii privilegium octo casibus quos industriosè collegit Acurius ad l. 1. vers. Nepro ullo, D. ad SC. Vellejan. Primo in pecunia promissa pro servo manumittendo, l. pen. C. cod. Secundo in favorem dötis, non tantum propriæ filiæ, pro qua mulier se genero suo obligar, ut pridem constituerant Valerianus & Galienus, l. Si dotare, C. cod. sed etiam generaliter pro quacumque dote etiam extraneæ, ex Constitutione Justiniani, l. ult. C. cod.

Tertiò,

Tertiò , si privilegio Vellejani foemina renunciaverit , l. fin. §. ult. D. cod. Non potest quidem filiusfamilias renunciare Macedoniano , cum non fuerit introductum in ipsius favorem , sed patris , atque in odium creditorum. At Vellejanum est planè & directè in gratiam foeminarum : & licet unicuique renunciare juri pro se introducto , l. Si *Judex* 41. D. de minor. & l. *Invito* 69. D. de diversis reg. jur. Cæterum ut ista Vellejani renunciatio valeat , opus est foemina prius admonitionem fuisse , sive à Magistratu , sive à Notario , in qua re consistat istud ei indultum à Jure privilegium ; & prudens Notarius , ut ait Papo , hujus admonitionis in scriptis mentionem faciet. Imò vero Corrasius in centuriis , cap. 74. Charondas lib. 2. responsorum , cap. 43. Despeileus parte 2. tit. de cautionibus , sect. 2. num. 13. hoc insuper requiri afferunt , ut posteriori actu foemina renunciet Vellejano , aliqui præsumuntur foemina eadem facilitate renunciisse Vellejano quā consensit fidejussioni , nisi serìd liberandi tempus post primam admonitionem fuerit ei concessum : atque diversa allegant Curiarum placita , quibus invalida pronunciata fuit illa Vellejani renunciatio , quanvis oppositum his Curiae Parisiensis placitum referat Papo lib. 12. tit. 5. num. 1.

XIII. Quartò non juvatur Vellejano foemina si premium accipiat pro intercessione , l. *Antique* , C. ad Vellejan. Quintò si mulier sponte ac mente decepterit , l. Si *mulier in jure* , & l. Si *decipiendi* , D. cod. Et præclarè dicit lex *Et primò* , §. 3. D. cod. *Deceptis* , & non decipientibus iura opitulan-*nur*. Infirmitas enim foeminarum , non calliditas auxilium meruit. Ideoque si vir sciente & connivente uxore , rem uxoris creditori suo quasi propriam obligaverit , non poterit uxor fraudis ac doli conscientia juvari Vellejano aduersus eundem creditorem , ut sanxit lex *Si sine* , C. cod. Si tamen creditor ab initio sciebat esse rem uxoris , poterit Vellejano repellere per uxorem , d. l. *Si sine*. Sextò si foemina secundò fidejubeat intra biennium , vel dando creditori aliquod pignus , vel novum fidejussionis instrumentum faciendo , non quidem pristinæ fidejussioni invalidæ ullum robur addit ; sed si eandem præster post biennium , non poterit Vellejano se tueri , l. *Si mulier perfectæ etatis* , C. cod. Septimò si mulieri fidejubent in rem suam versum sit , l. *Sed si eum* , D. cod. Octavò si foemina ei pro quo intercessit succedat , l. *Quanvis* , §. *Planè si mibi* , D. cod.

XIV. His aliam causam intermittendi Vellejani non infrequenter in praxi occurrentem superaddunt Gallicani Jurisconsulti liberationem mariti ex carcere. Etsi enim ante ipsum Vellejanum Jus Romanorum absolute reprobaverat uxorium pro maritis intercessionem , & Justinianus in authent. *Si quamuller* , C. cod. irritam faciat omnem uxorum pro maritis contra-stant obligationem , etiam multoties & pluribus annis iteratam ; cum tamen foemini permittat validam Vellejani in exteriorum quoruimcunque favorem renunciationem , modò post biennium iterum confirmetur : in Galliae tamen Regno , & vicinis quibusdam provinciis , si uxor pro libe-
rando

rando ex carceris detentione viro se obligaverit, non juvabitur Vellejano. Antonius Faber in suo Codice, lib. 4. tit. ad Senatusc. Vellejan. Chenutius centur. I. quæst. 52. Bacquetus tract. de jurib. iustit. cap. 21. num. 123. Chondras responsorum lib. 11. cap. 38. Brodeus in Louetum, lit. A, cap. 9. aliquique plerique multa diversarum Curiarum Senatus consulta congerentes. Quorum ratio in primis pietate fundatur: si enim Vellejanum cessat ob causam pietatis in manumittendo servo, l. penult. C. ad Vellejan. & in dantanda non solum propria filia, sed etiam extranea, l. ult. C. eod. quantò major est pietatis obligatio in educendo è carcere proprio marito? Hoc tamen intelligendum de incarceratione ob causam criminis, non verò ob solum pecuniarium debitum, ut docet Faber loco cit. definit. 16. Hoc enim casu, non autem priore, potest vir de carcere egredi per bonorum cessionem. Præterea facile nimis fraus Vellejano fieret ad spoliandam uxorem; hoc enim fine creditores virum sapi & carceri mancipari curarent, ut opes uxoris ad se traherent. Hæc Despeïseus dictæ loco, num. 13. Graves tamen multi Gallicani Jurisconsulti hanc distinctionem nullatenus admittunt, inter quos Chopinus comment. ad consuetudines Parisienses, lib. 2. artic. 17. afferit uxorem qua pro viro debendi se, ideoque in carcere detento satisfiderit, ut eum in libertatem afferat, etiam nulla facta Vellejani renunciatione, ita obligari, ut non admittatur ad impetrandam per Principis literas fidejussionis nexus relaxationem: idque adstruit tum adducto Supremæ Curiaæ Parisiensis Judicio, tum Justinianæ Authentica Si captivi, C. de Episcop. & Cler. per quam etiam minor obligatur honorum priorum distractione captivi patris redemptioni.



C A P U T V.

De Mutuo.

I. **M**ONTRACTUM qui re perficiuntur, quatuor genera sunt: Mutuum, Depositum, Commodatum, Pignus. De mutuo uberior est disputatio tractanda ad usurarum cognitionem, qua occasione mutui nascuntur. Sie verò definiri potest, ut sit Contractus quo rei dominium transfertur in accipientem cum onere & obligatione reddendi similem in specie & bonitate. Aut quod eodem recipit, ut sit largitio rei in quantitate certa consistens, cum spe tantundem recipiendi, non in specie, sed in genere. Genus à Jurisconsulis hoc loco dicitur, quod propriè Philosophi speciem vocant, ut communiori conceptu frumentum, oleum, vinum. Speciem verò illi dicunt quod Philosophi nomine